

**REGLUGERÐ FRAMKVÆMDASTJÓRNARINNAR (EB) nr. 264/2000****2001/EES/57/36**

frá 3. febrúar 2000

**um framkvæmd reglugerðar ráðsins (EB) nr. 2223/96 að því er varðar hagskýrslur yfir fjármál hins opinbera til skamms tíma(\*)**FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

2223/96 frá 25. júní 1996 um evrópskt þjóðhags- og svæðisreikningakerfi í bandalaginu <sup>(1)</sup>, eins og henni var breytt með reglugerð (EB) nr. 448/98 <sup>(2)</sup>, einkum 2. mgr. 3. gr.,*og að teknu tilliti til eftirfarandi:*

- 1) Samkvæmt 2. mgr. 104. gr. sáttmálans ber framkvæmdastjórninni að fylgjast með þróun fjárhagsstöðunnar.
- 2) Samkvæmt reglugerð ráðsins (EB) nr. 1466/97 frá 7. júlí 1997 um eflingu eftirlits með fjárhagsstöðu og eftirlit og samræmingu efnahagsstefna <sup>(3)</sup> skal gera marghliða eftirlitsaðferðina, sem kveðið er á um í 3. og 4. mgr. 99. gr. sáttmálans, úr garði með viðvörunarkerfi sem gerir ráðinu kleift að gera aðildarríki viðvart á byrjunarstigi um þörfina á að gera nauðsynlegar úrbætur á fjárlögum til að koma í veg fyrir of mikinn halla á ríkisfjármálum.
- 3) Í skýrslu Efnahags- og fjármálaráðsins um hagskýrsluþörf í Efnahags- og myntbandalaginu, sem samþykkt var 18. janúar 1999, er einkum lýst þörfinni á sameiginlegum og samræmdum opinberum skammtíma-hagskýrslum um fjármál fyrir aðildarríkin, einkum þau sem eru í Efnahags- og myntbandalaginu.
- 4) Lítið er á reglur um þjóðhagsreikninga, einkum hugtök er varða Evrópska þjóðhagsreikningakerfið, sem tæki til að tryggja að gögn séu samanburðarhæf og gagnsæ á milli aðildarríkja.
- 5) Þróa ber í áföngum fullunnið ársfjórðungsuppgjör fyrir opinbera geirann á grundvelli ESA 95 (evrópska þjóðhags- og svæðisreikningakerfisins í Evrópubandalaginu frá 1995) þar eð frá árinu 2000 verða teknir upp fyrstu efnisþættir uppgjors fyrir opinbera geirann í samræmi við ESA 95.
- 6) Þættir, sem gefa áreiðanlega mynd af þróuninni í fjármálum hins opinbera og eru oftast tiltækir á réttum tíma, skulu njóta forgangs.
- 7) Skattar, raunframlag til almannatrygginga og félagslegar bætur eru fyrstu þættirnir sem geta verið viðvörun um áhættu á ríkisfjármálum og veitt gagnlegar upplýsingar um þróun efnahagsástandsins.

- 8) Samráð hefur verið haft við hagskýrslunefndina um peningamál, fjármál og greiðslujöfnuð (CMFB) sem var komið á fót með ákvörðun ráðsins 91/115/EBE <sup>(4)</sup>, eins og henni var breytt með ákvörðun 96/174/EB <sup>(5)</sup>.
- 9) Ráðstafanirnar, sem kveðið er á um í þessari reglugerð, eru í samræmi við álit hagskýrsluáætlunarnefndarinnar (SPC) sem komið var á fót með ákvörðun 89/382/EBE, KBE <sup>(6)</sup>.

SAMÞYKKT REGLUGERÐ ÞESSA:

*1. gr.***Tilgangur**

Markmiðið með þessari reglugerð er að skilgreina skrána og helstu einkenni viðskiptaflokka ESA 95 sem aðildarríkin skulu senda upplýsingar um ársfjórðungslega frá árinu 2000 til að sameiginlegar og samræmdar opinberar skammtíma-hagskýrslur um opinbert fjármagn séu tiltækar.

*2. gr.***Flokkar sem gögn eru send um ársfjórðungslega**

Aðildarríkin skulu senda ársfjórðungsgögn til framkvæmdastjórnarinnar (Hagstofu Evrópubandalaganna) um eftirfarandi flokka opinberra tilfanga og notkunar, samkvæmt ESA 95: undir liðnum tilföng:

- skattar á framleiðslu og innflutning (D.2)
- af því: virðisaukaskattur (D.211)
- veltuskattar á tekjur, eignir o.s.frv. (D.5)
- eiginfjárskattur (D.91)
- raunframlag til félagslegra kerfa (D.611), undir liðnum notkun:
- félagslegar bætur aðrar en félagslegar greiðslur í friðu (D.62).

*3. gr.***Heimildir og aðferðir við að taka saman ársfjórðungsgögn**

Ársfjórðungsgögn fyrir flokkana, sem um getur í 2. gr., skal taka saman samkvæmt eftirfarandi reglum:

1. Ársfjórðungsgögn skulu byggjast á beinum upplýsingum úr grunnheimildum, til dæmis opinberum reikningum eða stjórnsýsluheimildum, þar sem fram kemur fyrir hvern flokk að minnsta kosti 90% fjárhæðar hans.

(\*) Þessi EB-gerð, sem birtist í Stjtið. EB L 29, 4.2.2000, bls. 4, var nefnd í ákvörðun sameiginlegu EES-nefndarinnar nr. 24/2001 frá 23. febrúar 2001 um breytingu á XXI. viðauka (Hagskýrslugerð) við EES-samninginn. Sjá EES-viðbæti við Stjórnartíðindi Evrópubandalaganna nr. 22, 26.4.2001, bls. 21.

<sup>(1)</sup> Stjtið. EB L 310, 30.11.1996, bls. 1.

<sup>(2)</sup> Stjtið. EB L 58, 27.2.1998, bls. 1.

<sup>(3)</sup> Stjtið. EB L 209, 2.8.1997, bls. 1.

<sup>(4)</sup> Stjtið. EB L 59, 6.3.1991, bls. 19.

<sup>(5)</sup> Stjtið. EB L 51, 1.3.1996, bls. 48.

<sup>(6)</sup> Stjtið. EB L 181, 28.6.1989, bls. 47.

2. Ganga skal frá beinum upplýsingum með leiðréttinga-skrá, ef þörf krefur, og leiðréttingum á hugtökum svo að ársfjórðungsgögn verði í samræmi við hugtök ESA 95.
3. Ársfjórðungsgögn og samsvarandi ársögn skulu vera samræmd.

4. gr.

#### Tímaáætlun fyrir sendingar ársfjórðungsgagna

1. Ársfjórðungsgögn skulu afhent framkvæmdastjórninni (Hagstofu Evrópubandalaganna - Eurostat) innan þriggja mánaða frá lokum ársfjórðungsins sem gögnin eiga við.
2. Leiðrétt ársfjórðungsgögn vegna eldri ársfjórðunga skulu send á sama tíma.
3. Í fyrstu sendingu ársfjórðungsgagna skulu vera gögn fyrsta ársfjórðungs ársins 2000. Þessi gögn skulu afhent eigi síðar en 30. júní 2000.

5. gr.

#### Sending gagna í tímaröð

1. Aðildarríkin skulu fyrst afhenda framkvæmdastjórninni (Hagstofu Evrópubandalaganna) ársfjórðungsgögn um flokkana, sem um getur í 2. gr., frá fyrsta ársfjórðungi 1991.
2. Eldri gögn skulu tekin saman samkvæmt heimildum og aðferðum sem tilgreindar eru í 2. og 3. mgr. 3. gr.
3. Eldri gögn frá fyrsta ársfjórðungi 1998 til fjórða ársfjórðungs 1999 skulu send framkvæmdastjórninni (Hagstofu Evrópubandalaganna) eigi síðar en 31. desember 2000.
4. Eldri gögn frá fyrsta ársfjórðungi 1991 til fjórða ársfjórðungs 1997 skulu send framkvæmdastjórninni (Hagstofu Evrópubandalaganna) eigi síðar en 30. júní 2002.

6. gr.

#### Bráðabirgðaákvæði

1. Bráðabirgðaákvæði skulu varða aðildarríki sem, frá árinu 2000, eru ekki í aðstöðu til að senda ársfjórðungsgögn, samkvæmt tímaáætluninni sem lýst er í 1. mgr. 4. gr. og í samræmi við heimildir og aðferðir sem tilgreindar eru í 3. gr.

2. Þessi aðildarríki skulu senda „nákvæmt ársfjórðungsmat sitt“ til framkvæmdastjórnarinnar (Hagstofu Evrópubandalaganna) samkvæmt tímaáætluninni sem lýst er í 4. gr.

3. Þau skulu jafnframt tilgreina þær ráðstafanir sem enn á eftir að gera til að unnt sé að senda gögn í samræmi við heimildirnar og aðferðirnar sem tilgreindar eru í 3. gr.

4. Tímabilið sem bráðabirgðaákvæðin vísa til skal ekki ná út fyrir þá tímaáætlun sem tilgreind er í viðaukanum við þessa reglugerð.

7. gr.

#### Framkvæmd reglugerðarinnar

1. Aðildarríki skulu láta framkvæmdastjórninni (Hagstofu Evrópubandalaganna) í té lýsingu á heimildum og aðferðum sem beitt er til að taka saman ársfjórðungsgögn (upphafs-lýsingu) eigi síðar en í mars 2000.

2. Aðildarríkin skulu afhenda framkvæmdastjórninni (Hagstofu Evrópubandalaganna) allar breytingar á upphaflegri lýsingu á heimildum og aðferðum sem notaðar eru við að taka saman ársfjórðungsgögn þegar þau senda umrædd breytt gögn.

3. Upphafleg lýsing og hugsanlegar breytingar skulu háðar samkomulagi milli þeirra aðildarríkja sem hlut eiga að máli og framkvæmdastjórnarinnar (Hagstofu Evrópubandalaganna).

4. Á grundvelli lýsinga aðildarríkjanna skal framkvæmdastjórnin (Hagstofa Evrópubandalaganna) einkum rannsaka notkunarsvið 90%-viðmiðunarinnar, sem krafist er í 1. mgr. 3. gr., fyrir fyrsta ársfjórðungsmatið fyrir hvern flokk sem vísað er til í 2. gr.

Ef augljóst er að aðildarríki geta ekki uppfyllt 90%-viðmiðunina vegna innlendra aðstæðna getur framkvæmdastjórnin (Hagstofa Evrópubandalaganna) veitt viðkomandi aðildarríki sérstaka undanþágu.

5. Framkvæmdastjórnin (Hagstofa Evrópubandalaganna) mun upplýsa hagskýrsluáætlunarnefndina og hagskýrslunefndina um peningamál, fjármál og greiðslujöfnuð um heimildir og aðferðir sem hvert og eitt aðildarríki beitir.

8. gr.

#### Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópubandalaganna*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjort í Brussel 3. febrúar 2000.

*Fyrir hönd framkvæmdastjórnarinnar,*

Pedro SOLBES MIRA

*framkvæmdastjóri.*

## VIÐAUKI

## Tímaáætlun sem kveður á um frest til að beita bráðabirgðaákvæðunum

4. mgr. 6. gr.

Aðildarríki	Skattar á framleiðslu og innflutning (D.2), veltuskattar á tekjur, eignir o.s.frv. (D.5), eiginfjárskattur (D.91)	Raunframlög til félagslegra kerfa (D.611)	Félagslegar bætur aðrar en félagslegar greiðslur í fríðu (D.62)
Belgía	1. janúar 2002	1. janúar 2002	1. janúar 2002
Danmörk	1. janúar 2002	1. janúar 2002	1. janúar 2002
Þýskaland	1. janúar 2002	1. janúar 2002	1. janúar 2002
Grikkland	1. janúar 2002	1. janúar 2003	1. janúar 2003
Spánn	1. janúar 2002	1. janúar 2003	1. janúar 2003
Frakkland	1. janúar 2002	1. janúar 2002	1. janúar 2002
Írland	1. janúar 2002	1. janúar 2002	1. janúar 2002
Ítalía	1. janúar 2002	1. janúar 2002	1. janúar 2002
Lúxemborg	1. janúar 2002 (D.2) 1. janúar 2002 (D.5) 1. janúar 2002 (D.91)	1. janúar 2003	1. janúar 2003
Holland	1. janúar 2002	1. janúar 2003	1. janúar 2003
Austurríki	1. janúar 2002	1. janúar 2002	1. janúar 2002
Portúgal	1. janúar 2002	1. janúar 2002	1. janúar 2002
Finland	1. janúar 2002	1. janúar 2002	1. janúar 2002
Svíþjóð	1. janúar 2002	1. janúar 2002	1. janúar 2002
Breska konungsríkið	1. janúar 2002	1. janúar 2002	1. janúar 2002